

HEADLINES

۱. لیفٹیننٹ گورنر منوج سنہا نے کہیو ہے کہ اساتذہ تے اُن غو پیشو، معاشرہ غی ریڈھ غی بڈی تے قوم غی روح وین۔
۲. وزیر اعلیٰ عمر عبداللہ نے کہیو کہ کشمیریان نانہہ تنگ کرن غا معاملہ ور اسمبلی غا ایوان مانہہ بحث کی جے غی۔
۳. نائب وزیر اعلیٰ نے دسیو کہ جموں کشمیر مانہہ تنخواہاں مانہہ آخری واری نظر ثانی اکتوبر 2022 مانہہ کی گئی تھی۔
۴. صحت غی وزیر سکینہ اتو نے دسیو کہ صحت گا اداراں غی تعداد غا لحاظ تیں جموں کشمیر مرکزی زیر انتظام علاقو، ملک غا بہترین علاقان مانہہ شامل ہے۔
۵. کھیڈ بارے وزیر ستیش شرما نے جموں کشمیر حکومت غی جانب تیں نمایاں کھیڈاریاں غی سلیکشن لسٹ غی منظوری غو اعلان کیو ہے۔

LG TEACHERS

لیفٹیننٹ گورنر منوج سنہا نے کہیو ہے کہ اساتذہ تے اُن غو پیشو، معاشرہ غی ریڈھ غی بڈی تے قوم غی روح وین۔ اُنہاں نے یاہ گل اج جموں مانہہ منعقدہ امر اُجالا غا انسپیریشنل ٹیچر اعزاز غی تقریب تیں خطاب غے دوران کئی اس موقع ور ایل جی موصوف نے کہیو کہ اساتذہ اُن آلا کل غی مضبوط بنیاد وین۔ اُنہاں نے کہیو کہ کلاس روم صرف چار دوار تے ایک بلیک بورڈ نی ہوتو۔ بلکہ ایک ایسی جگہ وے جت بچاں غو مستقبل سواریو جے تے اُنہاں نانہہ ایک نوی شکل دتی جے۔ ایل جی موصوف نے کہیو کہ ایسا اساتذہ غی ضرورت ہے، جھیڑا نوی سوچ رکھن آلا وین تے طلبہ نانہہ اُن آلا وقت غی للکاراں واسطے تیار کر سکیں۔ اُنہاں نے مزید اس طرح کہیو۔۔۔

CM KASHMIR

وزیر اعلیٰ عمر عبداللہ نے اج جموں کشمیر قانون ساز اسمبلی مانہہ ملک بھر مانہہ کشمیریان نانہہ مبینہ طور ور تنگ تے پریشان کیا جان غا معاملہ ور تشویش غو اظہار کیو ہے۔ نامہ نگاراں سنگ گل بات کرتا واں وزیر اعلیٰ عمر عبداللہ نے کہیو ہے جے اُنہاں نے پریشان کرن غا بدھتا واہ معاملات ور تبادلہ خیال کیو ہے تے تما وزراء اعلیٰ تے مرکزی وزیر داخلہ سنگ اپیل کی ہے جے وے مرکزی زیر انتظام علاقہ تیں باہر رہ رہیا کشمیری طلباء تے تاجراں غی حفاظت نانہہ یقینی بناویں اُنہاں نے ہماچل پردیش تیں اسے طرح گا واقعات پیش آن بارے تشویش غو اظہار کیو تے اُنہاں نے ریاستی حکومت ور زور دتو جے وہ اس بارے فوری اصلاحاتی اقدامات چائیں اس سلسلہ مانہہ بولتا واں وزیر اعلیٰ عمر عبداللہ نے اس طرح کہیو۔

CM DEBATE

اج ایوان مانہہ لیفٹیننٹ گورنر غا خطاب ور شکریہ غی تحریک ور بحث شروع ہوئی۔ اس موقع ور وزیر اعلیٰ عمر عبداللہ نے کہیو کہ وہ تعمیری بحث، تمام جماعتاں غا باہمی تعان تے عوامی مفاد ور بامعنی گفتگو غا خواہاں ہیں۔ اسے دوران وزیر اعلیٰ عمر عبداللہ نے اج جموں کشمیر قانون ساز اسمبلی مانہہ جموں کشمیر جن وشواس، قوانین

مانہہ ترمیم آر ڈینینس 2025 پیش کیو۔ اس آر ڈینینس غے ذریعے کُجھ قوانین مانہہ ترمیم غی تجویز دتی گئی ہے۔ آر ڈینینس گو مقصد چھوٹا موٹا جرائم مانہہ فوجدادی جرم غا دائرہ تین بار کرنو تے مختلف شعبان مانہہ قوانین مانہہ سادہ تے مناسب بنانو ہے۔

Dy CM MINIMUM WAGES

رُکن اسمبلی علی محمد ڈار غا سوال ، غو جواب دیتا وان، نائب وزیر اعلیٰ سریندر کمار چودھری نے کہیو کہ جموں کشمیر مانہہ تنخواہاں مانہہ آخری واری نظر ثانی اکتوبر 2022 مانہہ کی گئی تھی۔ انہاں نے دسیو کہ تنخواہاں مانہہ اضافو اُس ویلے وے گو جد بھارتی حکومت کوڈ آن ویجز 2019 غے تحت قومی فلور ویجز یعنی ملک بھر واسطے مقرر کی گئی اجرت مانہہ نافذ کرے غی۔ تے یوہ قانون مرکزی زیر انتظام علاقہ جموں کشمیر مانہہ وی نافذ وے گو۔

PROG ANN CANCER DAY

علاقائی خبراں آلو شعبہ آکاشوانی جموں پلک یعنی 4 فروری 2026 مانہہ بین العوامی کینسر تہاڑا غی تقریبات غا سلسلہ مانہہ 30 منٹاں غو ایک خصوصی پروگرام نشر کرے غو۔ اس پروگرام غو موضوع ہے کینسر، اس غی علامت ، اسباب تے علاج۔ یاہ خصوصی نشریات 4 فروری 2026 مانہہ تہاڑی غا 12 بج غے 30 منٹ ور نشر کی جے غی۔ اس خصوصی پروگرام مانہہ مہاری مہمان ویں غی ، ڈاکٹر سندپ کور اسٹینٹ پروفیسر جہیڑی شعبہ ریڈیشن انکولوجی گورنمنٹ میڈیکل کالج جموں تیں تعلق رکھیں۔ تے وہ اس پروگرام بارے اپنی ماہرانہ رائے سانجہ کریں غی۔ پروگرام غی میزبانی کریں گا مارا انکر جگموہن شرما۔

HEALTH INSTITUTION DENSITY

حکومت نے اج قانون ساز اسمبلی مانہہ دسیو کہ صحت کا اداراں غی تعداد غا لحاظ تیں جموں کشمیر مرکزی زیر انتظام علاقو ، ملک غا بہترین علاقان مانہہ شامل ہے۔ آکاشوانی جموں کا نامہ نگار غے مطابق، ایم۔ ایل۔ اے میر سیف اللہ غا سوال غا جواب مانہہ صحت و طبی تعلیم غی وزیر سکینہ اتو نے اپنا تحریری جواب مانہہ کہیو کہ اس وقت جموں کشمیر مانہہ تقریباً چار ہزار صحت غا ادارا کم کر رہیا ہیں۔ یے ادارہ پرائمری، سکینڈری تے ٹرشری سط □ ور عوام مانہہ طبی سہولیات فراہم کر رہیا ہیں۔ وزیر نے کہیو کہ صحت غا بنیادی ڈھانچہ غا معاملہ مانہہ جموں کشمیر آگے ہے۔

LADLI BETI

جموں کشمیر حکومت نے اسمبلی مانہہ دسیو کہ لاڈلی بیٹی سکیم مانہہ جموں کشمیر غا 8 ضلع مانہہ نافذ کرن غی منظوری دے دتی گئی ہے۔ آکاشوانی جموں غا نامہ نگار غے مطابق، ایم۔ ایل۔ اے جاوید حسن بیگ نے بارہمولہ مانہہ اس سکیم مانہہ نافذ نہ کرن غو معاملو چایو ہے۔ اس غا جواب مانہہ سماجی بہبود غی وزیر سکینہ اتو نے کہیو کہ یہ سکیم 28 جولائی 2016 مانہہ کابینہ غا فیصلہ غے ذریعے منظور کی گئیں تھیں۔ یاہ سکیم جموں ، کٹھوعہ، سانہہ، انتت ناگ، بڈگام، پلوامہ، سرینگر تے کشتواڑ ضلع مانہہ نافذ ہے۔

SPORTSPERSON APPROVAL

کھیڈ بارے وزیر ستیش شرما نے جموں کشمیر حکومت غی جانب تیں نمایاں کھیڈاریاں غی سلیکشن لسٹ غی منظوری غو اعلان کیو ہے۔ سماجی میڈیا ور ایک پوسٹ مانہہ اُنہاں نے دسیو کہ باصلاحیت کھیڈاری ہُن اپنا کھیڈ غا سفر مانہہ اگے بدھ سکیں۔ وزیر نے فہرست غی فوری منظوری ور وزیر اعلیٰ عمر عبداللہ غو دل تیں شکریو ادا کیو۔ اُنہاں نے سرکاری افسراں غی محنت نانہہ وی سہرایو جن غی انتھک کوششاں تیں یاہ کامیابی ممکن ہوئی ہے۔ اس فیصلہ تیں کھیڈاں نانہہ فروغ لبے غی تے خطہ غا باصلاحیت کھیڈاریاں نانہہ پہچان ملے غی۔

BAL VIVAH

ضلع چائلڈ پروٹیکشن یونٹ نے چائلڈ ہیلپ لائن تے ون سٹاپ مرکز غا اشتراک سنگ ضلع اسپتال کشتواڑ غا احاطہ مانہہ بال ویوا مکت بھارت مہم غے تحت ایک عوامی بیدادی پروگرام گو انعقاد کیو پروگرام غے دوران پروٹیکشن افسر توسیف اقبال بٹ نے کم عمری غا بیاہ نانہہ روکن واسطے عام لوکاں غی عفال شمولیت ور زور دتو اُنہاں نے لوکاں اگے اپیل کی جے وے اپنی تے اپنا علاقہ گا دیگر افراد 18 سال تو کہت عمر غی بچیاں تے 21 سال توں کہت عمر گا لڑکا غا بیاہ شادہ کرن تو پریز کریں اس سلسلہ مانہہ بولتا واں اُنہاں نے کُج اس طرح کہیو۔

NRLM RBN

قومی دیہی زریعہ معاش مشن یعنی این۔آر۔ایل۔ایم دیہی ترقی غی وزارت غو ایک پروگرام بے جس گو مقصد غریب کہراں نانہہ اپنی مدد آپ گروپ مانہہ منظم کرغے دیہی غریب گو خاتمو کرنو بے ضلع رامبن مانہہ وی محکمہ خواتین کاروباریاں نانہہ دیہی خواتین واسطے مالی شمولیت، مہارت غی ترقی تے بازاراں توڑی رسائی غے ذریعے پائیداد معاش نانہہ فروغ دین واسطے مشاوی مواقع فراہم کرربو بے رام بن غی ایک کاروباری خاتون اپنی مصنوعات نانہہ فروغ دین واسطے جموں مانہہ جاری سارس میلا مانہہ حصو لے ری بے اپنو تجربو سانجہ کرتا واں ایک کاروباری خاتون تے رام بن توں اپنی مدد آپ گروپ غی رپکن ظفا فرید نے کُج اس طرح کہیو۔
